

YMA Chu tanpui ngaite tanpuitu a ni

ESTD.1990



**YMA**

**AW**



CHANMARI WEST BRANCH YMA CHANCHINBU KAR TIN CHHUAK. VOL. XXIII. ISSUE NO.10 6<sup>th</sup> March 2011

## Chapchar Kut ropui taka hman a ni.

**Chanmari West February 6:** Mizo ten'a Kut chi thum kan neih zinga ropui leh ngaihlut ber 'Chapchar Kut' chu Ni 4.2.2011 (Zirtawpi) Dar 10:30 A.m khan Aizawl Sipai Lammual-ah ropui taka hman a ni.

Chapchar Kut hun hmanna ah hian Chief Minister Pu Lal Thanhawla chu Kut Pa a ni a, Art & Culture Minister leh he kut-a Organising Committee Chairman Pu PC.Zoramsangliana chu Kut Thlengtu a ni. Miss Beth A. Payne (US Consul General, Kolkata) chu Khual Zahawm ah hman a ni bawk.

Chapchar Kut lawmna ah hian kan veng Chanmari West pawhin 'Rallulam' entirna hun hman a ni a, YMA member leh vengchhung naupang engemawzat in lam hi an entir a ni. CYMA hravaitute leh Organising committee pawhin he lam entir thei a YMA a inbuatsaib chu lawmawm an ti hle. He lam entir hun hman ah hian ` 15000/- lawmmnan dawn a ni a, cheraw kanpui leh khuallam entirna ah ` 4000/- dawn a ni bawk. Chapchar Kut 2011 hi kum dang zawng aiin hlut a hlawhin ramdang atang pawhin chhimtu engemawzat leh chanchinbu lam mi an lo kal bawk a ni.



Chapchar Küt-ah Kan Branch YMA in 'Rallulam' an entir

## KEIMAHNI

YMA AW hi YMA BUK ah chhut/buatsaib a ni tawh a, thu chhuah tur leh Report pe tur te Editor hnenah emaw, YMA Buk a letter Box leh chhutna hmunah dah thin tur a ni e.

## Branch News

Karleh Ni 8.3.2011(Thawlehh) zan hian rokhawlhnna a awm loh chuan Branch Exe.Committee koh tum a ni a, member te hun lo in siam lawk turagen kan ni e.

Ni 4.3.2011(Zirtawp) khan Chapchar Kut hman a ni a, kan Branch YMA in Item kan neih te tha taka tihhlawhtlin a ni. Chanvo nei te, Dress min hawh tirtu Zofa Cultural Club, Art & Culture Deptt. leh mimal hmanrua min hman tirtu zawng zawngte chungah lawmthu a sawi a ni.

Ni 27.2.2011 khan kan member Pu R.Laltlanliana,(Kum 52), K-Section chuan min boralsan a.Tin, ni 2.3.2011 khan Lalchhanhima,(4 Month) S/o Lalrimawia N- Section chuan min boralsan bawk a, lusun chhungte kan tawrhpu tak zet a ni.

Ni 27.2.2011 zan khan N-Section Asst.Secretary Tv EVL Hruaitluanga'n tawh sual a tawh avanga damlo chu pawi kan ti a, a dam leh thuai kan duhpui hle.

## LUSUN/KHAWHAR

Pu R.Laltlanliana(52) K-Section chuan Ni 27/2/11 khan min boralsan a. Tin, Lalchhanhima Thla 4 mi N-Section chuan Ni 2/3/2011 khan min boralsan bawk a, lusun chhungte CWBYMA chuan a tuarpuin a kalsan tak a chhungte Pathian awmpuina chang zel turin duhsakna a hlan.

## RECEIP LAM THEIH

Vanapa Section ten Zoram Chhiah leh Leiman an peksak te Pekna Receipt, Section Leader Pu VL Thakima hnenah lam theih reng a ni.



## TUN KAR CHANGAWN

"Nimahsela, tleirawl chaknate chu tlansan la, thimlung thiaghlima Lalpa lam apiangte zingah chuan felna te, rinna te, hmangaihna te, remna te um ve rawh". II Timothea 2:22

**Editorial Board****Editor**

RK.Rozidinga  
9436142304

**Joint Editor :**

RK. Malsawmkima  
9862578441

**News Editor**

Tv. Thangkhuma  
9862303135

Pu Vanlalhluta  
9862366308

Tv. Vanlalfawna  
9856301975

**Cir.Manager**

Johny Lalthanpuia  
9612359161

Jacob Lalrinsanga  
9612319779

**Production Manager**

R.Lalhmachhuana  
9436151817

**Branch Office Bearer****President**

T.Ngurkhuma  
9436190843

**Vice President**

R.Lalhmachhuana  
9436151817

**Secretary**

RL.Thanhnuna  
9436152760

**Asst. Secretary**

K.Darthantluanga  
9436196071

**Treasurer**

C.Lalzarliana  
9436142049

**Fin.Secretary**

Lalthuamluua  
9612216649

**Advisers**

Pi Zamanthangi  
Pu Vanlalsawma  
Pu Rothuama  
Pu Lalbiakthanga  
Khangte

*Veng tana thatna tur rilru seng tak tak kan la awm hi a lawmawm thin e.Tu a te mah hi tling kan awm lo, rilru puitling i pu theuh ang u.*

**Editorial :** Kan vengchhungah hian zuruih leh buaina siam hi kan duh loh thu sawi fo tawh thin a, amaherawhchu sim tak tak hi a awm leh si lova, zuruih leh buaina siam hi kan veng ina kan sim tur langsar ber a niin a lang. YMA Park leh a chheh velah hian zurui buaina siam kan awm fo mai hi a bul hnaia mite tan a ninawm mai bakah harsatna a siam nasa hle thin. Heng mite hi veng hmelman ni, Pate hnathawh chhuang ni awm taka buaina siam te leh kan Branch hruaitute hial pawh hmaichhana zah lo tak mai a an khum siyah siyah ngam kan awm ta mai hi a pawi hle mai, kan Branch hruaitute hian zah hi an phu hliah hliah a ni, an inchhung pawh luah lum hman mang lova khawtlang tana an inpekna te hi i hriatsak ang u.

YMA hruaitu nih hi tumahin an chak a rinawm loh, khawtlangah inawpna tha, inrelbawlna tha leh intluktlanna a awm theih nana ke pen tute an nih hi inhrlhnawn kan ngai leh tawh ni te pawn a hriat a ni. Kan Branch hruaitute hi eng dinhmunah pawh awm ila kan mamawhna hmun apianga kan aiawha ding turin an inpeih reng tih pawh i hre thar leh ang u. Eng ang mi pawh ni ila heng kan branch hruaitute hi an inchhung khawsakna a hniam emaw a sang emaw zah taka an thu leh hla zawm mai hi Chanmari West Branch YMA member ten'a kan tih mak mawh a ni.

**Article :****INKHELH LEH KAN VENG**

- Dinga

Tunlai hian Inter Village Red Ribbon Football khelh mek a ni a, inkhel en a manhla in a hmuhnawm thei thin viau mai. Tunhma a la awm ngailo Zan lam a inkhel te kan hmu ta zel mai hi changkan na nasa tak a ni awm e. Hetihlai hian keini veng VC Team te chu kar kalta khan an tla tawh a, han chhut neuh neuh chuan khatiang ang players tha Lammual em pawh thleng lo a kan zuih ral mai kha inen chian kan ngai nasa hle tih a hriat a ni.

Enge a chhan ni ta ang le ? A enkawltute lam atanga a rik dan in inkhelh hma zan a zurui te pawh an awm niin an sawi lehngthal...!!! Insum thei nganglo kan nih chuan i inkhel ngam lo mai ang u. Tu'n an dem lovlang che u. Hnung lam atanga mi nuih tet tet nih ai chuan tel ve loh mai tur. Khawtlang nu leh pa te'n tha leh sum nasa takin an seng a ni tih hria ula, hetiang mai mai chuan tu'n an sponsor duh tawh lovlang che u. Sporting Club leh Local Council hruaitute tal hi chu zah der hram ila a lawmawm ngawt ang. Chutih Iaiin Fans kan nih ve dan te hi i in chhut chiang teh ang.. Lammual ah lut ni phei ila chuan Thana a lut tur kan tam awm mang e. Professional Football en peih peih te chu kan ni awm si a. I thangharh mawl teh ang u khai. Veng aiawha kan fehchhuah dawn hian a dress velah kan duh tui viau em? Tournament dawn apianga ballboot beisei practice tha peihlo kan awm an ti. Veng dang coach kan lak pakhat chuan ti hian a sawi," Chanmari west chu an player te an skill a hniam hran lo, an discipline a chhe em a ni." a ti.('em' a tih hian a thluk vang vang) Chawlhni paltlang zo lo player kan nei thin hi a pawi a ni. Tun hma chuan thangthat an lakna te chu a rapthlak a sin thi leh dam karah an leng tak tak a, tunlaia thangthat kan lak na te chu exam result ah leh inkhel ah te a ni mai a, theih tawpa a thih tha tak meuh meuh a kan tan a ngai a ni. Kan hmingthatna tur hi zu leh thildang hian a hliah fo mai sim a hun takzet.

Sawi tawh ang in vengchhung players te hi kan chhelo, kan skill pawh a sang an ti a ni lawm ni. YMA pawhin tournament a la siam leh dawn. Kum kalta a selection te kha kan sawi sawk viau mai a, kan la ngai vawng vawng mai lawng maw. Kan hruaitute hian in hmakhaw ngai takin thil an ti a sin. Mi hlawhtling ni tur chuan tawrh a ngai. Tournament dawn a Gospel Camping neih kher ngai lo hian mahni theuh ah i in enfiah nawn leh teh ang u. Hetaing ang a nih chuan veng ai kan awh zo in rin ngam kan ni dawn em ni.

Heti zawng hian i ngaituah teh ang u, kan tum a tih takzet a kan beih chuan kan hlawhtling ang. A in mi pawh ni raw sek sek Tournament awm dawn leh awmlai te tal hi chuan insum hram hram ila, hlawhtlinna chu kan ban phak mai ah a awm tih hria ang u. Tui hi a let dawn tawh lo chuvang chuan keimahni hi i in enlet ang u. 'Tumna a awm chuan kawng a awm' an tih kha maw..

**CHAM CHAM STORE**  
**Chanmari West. Aizawl. C-85/01A**  
**Ph. 9436352887 / 0389-2348162**



**Hengte hi kan ti thei e.**

**Xerox, Lamination, Photo Block Lamination,  
Passport Size, Spiral Binding, Invitation Card,  
Visiting Card, Signboard, Baner designing etc.**



**Photo quality tha tak water proof  
Camera, Mobile Phone etc. atangin kan print thei.**

**ZCC NEWS**

Ni 4.3.2011 a Chapchar Kut A.R Ground-a neihah Club hmingin Chheih Lam entir a ni a, member tel zawng zawnge chungah lawmthu an sawi.

Club member-a inpe duhte tan Secretary-te hnenah inpek theih reng a ni

**Chanmari West Pig Producers' Cooperative Society Ltd. News**

Vawiin 4.3.2011 (Pathianni) tlai dar 3:00 hian kan member boralta Pi Lalchhandami W/o Pu Lalrova Tlau ral tur a ni a, Society member-te kim taka kal tur a ni.

Sd/-  
Secretary

**LAWMTHU**

Ni 3.3.2011 (Inrinni) khan Chanmari West venghminga Volley Ball lo khel thin tawhte leh tuna khel mek te'n intihhlimna ni pah fawmin Volley Ball an khel a, hetah hian Junoir leh Senior team a inthenin, Senoir team-te an chak zawk a ni. He inkhelhna atana Indoor Stadium phal tak hmantirtu CWSC chungah lawmthu an sawi.

Volleyball Players  
Chanmari West

**MHIP NEWS**

An Member Ni C.Laldinsangi d/o Zoramthari leh NI Lalmingsangi d/o Thangkima ten Hindi Teacher hna an hmu thar a an lawmpui takzet ani.

An Member Ni C.Laldinsangi d/o Zoramthari leh NI Lalmingsangi d/o Thangkima ten Hindi Teacher hna an hmu thar a an lawmpui takzet ani.

Revenue Dept hnuiah Leiman leh Zoram Chhiah pe in sumtuakna neih ani a, kawng tinrenga hmalak sak tu Pi Lalthanzami w/o Pu Laltanpuia hnenah leh Pu R.Rokima te chhung CH Section te leh Leiman pektir tute zawng zawng chungah lawmthu an sawi takzet ani.

Chhiatni Buhfai khawntu leh YMA Aw semtu thar ten an hna thar an tan ta a, nikum lama lo semtu leh khawntu te zawng zawng chungah lawmthu an sawi.

Chhiatni Buhfai khawntu leh NL Lalfakawmi d/o Ngentluanga leh NL Lalmangaihi d/o B.Lalriniana te ruat belh anni. YMA Aw Bial 9 na semtu Lalrammuapua tih kha Lalruaipua s/o C.Lalmuana tih zawk tur ani.

Kum 2011 atana Member lak fel ani a, Member 532, Mipa 354, hmeichhia 178, Life member 30 a ni rih a, Member ni thar duh tan Tv. R.Lalrinnghta, Asst Secy hnen pan mai tur ani.

Tin, heng bakah hian Mithi puan lei duh tan hengmi te hnenah hian leitheih a ni bawk e.

**DOCUMENT BO**

Taxi Document Reg.No.MZ 01D 6962 chu Central Road phei ah tihbo palh a ni a, a chhar kan lo awm a nih chuan khawngaiha min hriattir leh min pe leh hram turin ka ngen a che u.

H.Lalduhawma  
N-Section

**KHUANGCHERA**

Ni 4.3.2011 (Zirtawpni) a A.R Lammual-a Chapchar Kut hman zawk taka Branch YMA hminga Section member lam zawnzawngte chungah lawmthu an sawi.

Pu Laltlanliana'n ni 27.2.2011 khan a boralsan chu pawi an ti hle, a kalsan tak a chhungte an tuarpui takzet.

YMA AW leh YMA Chanchinbu la tur Section chhungah zawn mek a ni a, chhung tinte'n tlawnmgaih chhuaha la theuh turin an ngen.

Hun remchang hmasaah Committee koh tum a ni a, Hruaituten hunawl lo in siam turin an inngan.

**TAITESENA**

Kar kalta Inrinni zingkar khan Faina Hnatlang neih a ni a, member hnatlang zawnzawngte chungah lawmthu an sawi.

Section chhunga Member-te leh hruaitute thlanlaih na lam ah thahnemngai taka kal thin turin an in ngen nawn leh.

In luah tur nei te'n 'PEM LEHKHA' ngai pawimawh theuh turin an in chah nawn leh.

Tunkar lo awm tur hun remchang ah Section committee neih tum a ni a, hruaitute hunawl lo insiam turin an in ngen.

Chapchar Kut -a section ai awh a hnamlam entir tu te zawnzawngte chungah lawmthu an sawi.

**CHAWNGBAWLA**

Pu R.Thansanga te chhungin an in bula vantlang Step railing an mahni sum senga an siam chu Section chuan lawmawm an ti hle. Hetiang mi khawtlang tana mi inpe an nei hi entawntlak an tiin an chhuang hle.

YMA Member lak chu zawk fel a ni tawh a, an Section-ah kumin atan Member 524 an inpe a, hetah hian 335 leh hmeichhia 189 leh Life Member 28 an awm.

Section huam chhungah langsar taka zu in leh zurui buai an awn thin a, hetiang tih ching te chu tunhnuah chuan Police hnenah pek hmiah hmiah zel an tum.

Section a lo muanawm zel theih nan hma an la chho mek a, zurui buai leh bengchheng an awmin Section hruaitute hrilh hriat vat thin nise an duh hle.

**NEUVA**

Karleh hun remchang hmasaah berah Committee koh tum a ni.

An Asst. Secy Tv. EVL Hruaituanga'n veng dang mi kutpalh a tuar chu pawi an tiin a dam leh thuai an duh.

An member N1. R.Lalchawimawii a rilphir zai chu a dam leh thuai an beisei.

YMA AW la thar duh chuan Section Secretary hnenah hriattir tur a ni.

Pathianni a Motor silna vela zu in thin te leh buaina siam chingte midang harsatna an siam leh a nih chuan Police hnenah hlan zel an tum.

**VANAPA**

March thla chhung hian All India Radio, Aizawl ah ramngaih hla sa a Zaipawl Programme neih tum ani a, hemi atan hian Zaipawl Member te in ruat ani a, ruat lem loh te pawh Zaipawl a tel thei apiang te tel theuh turin an in sawm ani, Ni 8.March, Thawhlehni zan Dar 7:00 ah Upa H.Lalrawna inah Hla zir tur ani a, Hruaitu te leh Zaipawl Member tur te kal vek tur a ngen anni. Conductor ah Tv H.Lalthazuala, Asst Conductor ah Pu V.Zarzokima (Valpuia) leh Tv Lalduhzuala Ngente te ruat anni.

An Member Ni C.Laldinsangi d/o Zoramthari leh NI Lalmingsangi d/o Thangkima ten Hindi Teacher hna an hmu thar a an lawmpui takzet ani.

Revenue Dept hnuiah Leiman leh Zoram Chhiah pe in sumtuakna neih ani a, kawng tinrenga hmalak sak tu Pi Lalthanzami w/o Pu Laltanpuia hnenah leh Pu R.Rokima te chhung CH Section te leh Leiman pektir tute zawng zawng chungah lawmthu an sawi takzet ani.

Chhiatni Buhfai khawntu leh YMA Aw semtu thar ten an hna thar an tan ta a, nikum lama lo semtu leh khawntu te zawng zawng chungah lawmthu an sawi.

Chhiatni Buhfai khawntu leh NL Lalfakawmi d/o Ngentluanga leh NL Lalmangaihi d/o B.Lalriniana te ruat belh anni. YMA Aw Bial 9 na semtu Lalrammuapua tih kha Lalruaipua s/o C.Lalmuana tih zawk tur ani.

Kum 2011 atana Member lak fel ani a, Member 532, Mipa 354, hmeichhia 178, Life member 30 a ni rih a, Member ni thar duh tan Tv. R.Lalrinnghta, Asst Secy hnen pan mai tur ani.

## Kumpuan kaihruaina (chhunzawmna)

### 2. Mipat hmeichhiatna hman khawloh :

c) Pawngsual chingho hian an sim mawh viau a, an phu tawk hremna an hmuhna turin thuneitute lamah umzui thin ni se.

d) Tuai leh Patil hi Mizo khawtlang nunphung nena inhmele lo a ni a, nihphung inang sex lama inkawp chingte phei chu mihring nihphunga sual a ngaih a ni. Inkaihruaina tha leh inzirtir dan dik hmangin a pumpelh theih a, lo tlulut palh tawh pawh a chhanchhuah theih bawk.

### Mihring puite hralh (Human Trafficking) :

Sumdawnna atana mahni mihring puite hralh (Human Trafficking) hi Mizoramah pawh kan lo hre ve tan ta. Mi thenkhat chu sal ang maia hnathawk tura hralh an ni a, mi thenkhat erawh chu mipat hmeichhiatna thila inzuar tura hralh an ni bawk. Mizoram atang ngei pawhin naupang leh hmeichhe thenkhat chu State pawnah inzuar tur leh thil dangha chhawr turin hralh chhuah an lo awm ve ta. Hetianga mihring hmanga sumdawnna hi khawvel sorkar hrang hrang pawhin a buaipui mek a nih avangin fimkhur taka inzirtir ni se. Sum tam tak hlawh theihna hna, awlsam taka hmuh theih anga zawrh chi reng reng hi inbumna a ni deuh zel. A tirah tha viau dawnin a lang a, a hnu lawkah nawmsipbawlna tura buatsaiah a lo ni leh thin a, chhanchhuah ngai an awm mek a ni. Zirna hmun tha taka awlsam te a luh theihna ni awm taka zawrhte pawh, inbumna a ni duh hle. Buaihpui man hlawkna tel duh vanga hnathawk tur leh zirna tha insawihmuhi mihring puite inhralh dan tlanglawn tak a ni tih hriat a tha. India Hmarchhak mite hi kan dinhmun a hniam avangin zuam kan hlawh bik thin a, buaina tawk pawh kan tam viau nghe nghe a ni.

### 3. Kut tling lova thil neih :

Kawng hrang hranga kut tlinglova sum lakluh hi sual a ni a, kan dodal tur a ni. Sorkar sum leh bungrua mimal tana lak te, hlawkna um luat avanga bungraw chheprelh leh to taka bungraw zawrh te, depde taka Contract hna hrang hrang thawh leh hmantlak loh bungraw supply te, bumna hmanga pawisa inlaksak te hi khawtlang nun ti bawrhbangtu langsar zual an ni a. Mi awmloh hlantha thlai, bungrua leh rohlu in ruksak te leh kut tlinglova thil neihte hi kan endawng ngam tur a ni. Kuttling lova hausakte, hnathawk lova sum awlsam kan um lutuk hi bansan a ngai.

## VAWI ENGZAT NGE ?

Samuela Pa

Member zat	-	2469
Hruaitu zat	-	250 vel
Mitthi zat	-	9
Lumen zat	-	8
Khawhar in len zat - (YMA zan)	19	
Member kal dan tlangpui		- 95 vel 3.84 %

A chunga mi khi vawiin thlenga kan Branch dinhmun a ni a, a hnauai zawhna te hi han chhang teh le.

1. YMA member i ni a, vawi engzatnge i tlaivar?

2. YMA member i ni a, vawi engzatnge khawhar inah i kal?

3. Tlangval i ni a, vawi engzatnge thlan i laih?

4. Tlangval i ni a, vawi engzatnge khawhar inah i riah?

5. Nula i ni a, thlanlai thingpui vawi engzatnge i pek?

6. Nula i ni a, mitthi vui hma thingpui vawi engzatnge i sem?

7. Member pavali i ni a, kuang siamna ah vawi engzatnge i kal?

8. Nu/Pa i ni a, vawi engzatnge i fanu/fapa mitthi/khawhar in a kal tura i tirh?

9. Nu/Pa i ni a, vawi engzatnge i fate thlanlai/thlanlai thingpui leh khawharin a thingpui lum/sem turin i tirh?

10. YMA member nu (pasal nei tawh) i ni a, a chunga mi ah te khian vawi engzatnge i telve le?

YMA hian dinchhan leh thiltum engemawzat chu a nei ngei mai. A tum bulpui ber zing a mi chu, mi dangte tana inpek, chanhai lusunte tanpui hi ni berin a lang. Kan hruaitu ten heng, chanhai riangvai leh lusunte hi kan VIP an lo ti thin a. Chutia kan VIP tanpui leh sawngbawlna a keini memberte ber pawh kan tel tha duhlo leh kan tel peih lo a nih chuan member kan nih chhan enge ni tih chu kan inzawhna tur pawimawh tak a ni ngei ang.

Kan Pathian thu in thihipui tham sual (hamartia) a sawi, tum thelh, nih tur ni lo, hlah etc a sawi ang em chu ni lo mahse, member kan nih chhan ber kan hlenchhuah peih si loh chuan sual a nih loh vek pawhin tha chu kan ti thei tawp lovang le! Member duhtak, sual leh a anga lang laka fihlimna pakhat ani tih hriain kum 2011 chhung hian YMA member i nihna hi **VAWI ENGZATNGE** i lantir dawn???

## HETAH HIAN SMS LA

>>9774170328<<

Red Ribbon Football Tournament-a kan veng chak loh chhan ah puh tur vak a awm lo kan players te leh a enkawltute in fakawm thlawt e, fans mawh tak tak \*\*\*\* te u nangmahni avang khan Lammual kan thleng zo ta lo a ni e. Tlangval thenkhat zurui pawr mawh ho kha in inhriat kha zak ngawi ngawi teh u.

**986294\_77**

Dinhar nena kan inkhelh tum a field sir a Fans a tak tak te kha veng in ti bal hle mai. Tun hnu ah chuan sim a hun ta e.

**961231\_79**

Naupang Sande sikul a in hrem beng suk tir hi thil tih chi a va ni lo ve.

**943615\_63**

Thlanlaih na ah hian Section hruaitute hi kal taima ve deuh teh u, member-te hrilh in ti hai tlat mai.

**961200\_11**

Vanapa Section C.Thanchhuma te in bula lungverhna khawl an dah hi kawngpui a va ti chep ve. Dahsawn theih dan a awm lo maw.

**961200\_11**

**(SMS kan dawn te hi Ed. Bd ngaihdan a ni vek kher lo)**

## Sub - Committee Report

### Park Sub-Committee

Park Sub-Committee member :-

1. Pu Lalthuamluia
2. Pu C.Lalzarliana
3. Pu Zoramthara
4. Pu Vanlaluana
5. Pu C.Sangpuia
6. Pu Thangchhuana
7. Pu Zohmingthanga (Hmingmama)
8. Pu F.Lalnunzama
9. Pu C.Lalthlamuana
10. Pu H.Vanlalsanga
11. Pu H.Lalremtluanga
12. Pu H.Lalnunmawia
13. Pu Lalbiakzuala
14. Pu Vanlalhluta
15. Tv.Zoramthara

### Lehkhaw Kawngbo

1. C.Lalremgangi d/o Zohlira  
*From Directorate of Hospital & Medical Education.*
2. TC.Lalhangkungi  
*d/o TC.Lalthlamuana*  
*From Directorate of Hospital & Medical Education.*
3. Shri T.Laltsiama  
*s/o T.Bualsiama*  
*From Mizoram University*

**Editor Hnenah a lam theih e.**